

RYTHMIDE

Flecainide Acetate Tablets USP 100 mg

Apakah yang ada pada risalah ini

1. Apakah kegunaan RYTHMIDE
2. Bagaimana RYTHMIDE berfungsi
3. Sebelum mengambil RYTHMIDE
4. Cara mengambil RYTHMIDE
5. Semasa anda mengambil RYTHMIDE
6. Kesan-kesan sampingan
7. Cara penyimpanan dan pelupusan RYTHMIDE
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP
11. Nombor siri

Apakah kegunaan RYTHMIDE

RYTHMIDE digunakan untuk merawat keadaan jantung yang dipanggil *arrhythmia*. *Arrhythmia* adalah degupan jantung yang tidak teratur atau tidak normal.

Bagaimana RYTHMIDE berfungsi

RYTHMIDE mengandungi bahan aktif *Flecainide acetate*. Ia tergolong dalam kumpulan ubat yang dipanggil *anti-arrhythmia*.

RYTHMIDE berfungsi dengan melambatkan impuls yang menyebabkan jantung berdegup secara tidak teratur atau tidak normal.

Bertanya ahli farmasi atau doktor anda jika anda mempunyai sebarang soalan mengenai ubat ini.

Sebelum mengambil RYTHMIDE

Bila tidak boleh mengambil

Jangan mengambil RYTHMIDE jika anda mengalami mana-mana yang berikut:

- Anda alah kepada *flecainide acetate* atau bahan-bahan lain terkandung dalam RYTHMIDE
- Anda mempunyai kegagalan jantung
- Anda pernah mengalami serangan jantung
- Anda mempunyai atrial fibrilasi yang berpanjangan (pengecutan otot jantung yang cepat)
- Anda mempunyai masalah dengan injap dalam jantung anda
- Anda mempunyai penyakit *sinus node* (suatu keadaan di mana jantung anda berdegup dengan kadar tidak normal)
- Anda mempunyai penyakit "sekat

jantung" (denyutan jantung tidak lengkap)

Jangan mengambil RYTHMIDE:

- selepas tarikh luput pada pek;
- jika bungkusan menunjukkan tanda-tanda terbuka.
- kecuali dinasihatkan oleh doktor anda

Sebelum mula mengambil RYTHMIDE

Beritahu doktor atau ahli farmasi jika

- anda mempunyai alahan kepada ubat-ubatan lain.
- anda mempunyai sebarang masalah jantung;
- anda mempunyai sebarang masalah hati atau buah pinggang

Beritahu doktor anda jika anda mengandung atau bercadang untuk hamil atau menyusukan bayi.

Jika mengambil ubat-ubat lain

Beritahu doktor atau ahli farmasi jika anda menggunakan sebarang ubat lain, termasuk ubat yang dibeli tanpa preskripsi dari farmasi, pasaraya, atau kedai makanan kesihatan.

Ini terutamanya untuk ubat-ubatan yang mengandungi bahan-bahan aktif seperti berikut:

- *Sodium channel blockers*
- *Digoxin*
- *Beta blockers*
- *Phenytoin*
- *Phenobarbital*
- *Carbamazepine*
- *Amiodarone*

Anda mungkin memerlukan dos yang berbeza, atau anda mungkin perlu mengambil ubat yang lain.

Doktor atau ahli farmasi mempunyai maklumat lanjut mengenai ubat-ubatan untuk perhatian atau dielakkan sementara mengambil RYTHMIDE.

Cara mengambil RYTHMIDE

Ikut semua arahan yang diberikan oleh ahli farmasi atau doktor anda dengan teliti.

Arahan ini mungkin berbeza dengan maklumat yang terkandung dalam risalah ini.

Jika anda tidak memahami arahan pada

kotak, minta ahli farmasi atau doktor anda untuk bantuan.

Berapa banyak harus diambil

Dewasa:

Supraventricular arrhythmias (denyutan jantung tidak teratur yang bermula di bahagian atas jantung anda):

Dos yang biasa ialah setengah tablet dua kali sehari. Doktor anda mungkin meningkatkan dos sehingga 300mg (3 tablet sehari)

Ventricular arrhythmias (denyutan jantung tidak teratur yang bermula di bahagian bawah jantung anda):

Dos yang biasa ialah satu tablet dua kali sehari. Doktor anda mungkin meningkatkan dos sehingga 400mg (4 tablet sehari).

Kanak-kanak:

RYTHMIDE adalah tidak disyorkan untuk kanak-kanak berumur 12 tahun ke bawah.

Warga tua dan pesakit dengan masalah buah pinggang:

Doktor anda mungkin preskribkan dos yang lebih rendah untuk anda. Semasa anda mengambil ubat ini, doktor anda mungkin akan menjalankan ujian darah dengan lebih kerap. Ini adalah untuk memastikan bahawa ubat anda berfungsi dengan betul dan bahawa dos yang anda ambil adalah tepat untuk anda.

Bila perlu mengambil

Ambil RYTHMIDE pada masa yang sama setiap hari.

Berapa lama perlu mengambil

Jangan berhenti rawatan ini tanpa berbincang terlebih dahulu dengan doktor anda.

Jika terlupa mengambil

Jika anda terlupa mengambil dos RYTHMIDE, ambil ubat ini dengan segera. Jika telah hampir waktu dos yang seterusnya, jangan ambil dos berganda untuk menggantikan dos yang tertinggal. Ambil dos seperti biasa

Jika mengambil berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika anda atau sesiapa sahaja yang terambil dos berlebihan. Ini perlu dilakukan walaupun tiada sebarang kesan

RYTHMIDE

Flecainide Acetate Tablets USP 100 mg

keracunan atau rasa tidak selesa. Anda mungkin memerlukan perhatian perubatan segera.

Semasa mengambil RYTHMIDE

Perkara yang perlu dilakukan

Beritahu semua doktor dan ahli farmasi yang merawat anda bahawa anda sedang mengambil RYTHMIDE.

Beritahu doktor anda dengan segera jika mengandungi ketika mengambil ubat ini.

Perkara yang tidak boleh dilakukan

Jangan gunakan RYTHMIDE untuk merawat apa-apa aduan lain tanpa arahan daripada ahli farmasi atau doktor anda.

Jangan memberi ubat kepada orang lain, walaupun mereka mempunyai keadaan yang sama seperti anda.

Perkara yang perlu diberi perhatian

Berhati-hati ketika memandu atau mengendalikan jentera sehingga anda tahu bagaimana ubat ini memberi kesan kepada anda.

Kesan-kesan sampingan

Kesan-kesan sampingan RYTHMIDE termasuk:

- perubahan denyutan jantung, ia mula berdenyut dengan kuat, atau menjadi lebih cepat atau lebih lambat
- Masalah kulit disebabkan oleh pendedahan kepada cahaya matahari
- Loya dan muntah
- Peningkatan dalam enzim hati atau penyakit kuning
- Pening
- Kebas tangan atau kaki
- Berjalan atau pergerakan yang tidak terkawal
- Bintik keruh dalam biji mata
- Penglihatan berganda dan kabur
- Penyakit paru-paru tertentu (pulmonary fibrosis) atau radang paru-paru (*pneumonitis*)

Jika anda mengalami sebarang kesan sampingan yang tidak disenaraikan, beritahu doktor atau ahli farmasi anda.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman

web npra.gov.my [*Consumers* → *Reporting Side Effects to Medicines (ConSERF) or Vaccines (AEFI)*]

Cara penyimpanan dan pelupusan RYTHMIDE

Penyimpanan

Simpan di bawah suhu 30°C. Lindungi daripada cahaya. Jauhkan daripada capaian kanak-kanak.

Jangan simpan RYTHMIDE atau ubat lain dalam bilik mandi atau berhampiran dengan sinki. Jangan tinggalkan ubat di dalam kereta atau di atas unjuran tapak tingkap.

Haba dan kelembapan boleh merosakkan ubat ini.

Pastikan ubat ini sentiasa dijauhkan daripada kanak-kanak.

Almari yang berkunci sekurang-kurangnya satu setengah meter dari atas lantai adalah tempat yang sesuai untuk penyimpanan ubat.

Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

Rupa dan warna produk

Berwarna putih, bulat, dwicembung, berskor dan bertanda "FL" dan "100" pada satu muka dan kosong pada muka sebelah.

Bahan-bahan kandungan

- Bahan aktif

Flecainide acetate Ph. Eur. 100 mg

- Bahan tidak aktif

- *Microcrystalline cellulose, pregelatinized starch, croscarmellose sodium, magnesium stearate, hydrogenated vegetable oil.*

Nombor MAL

MALxxxxxxxxxxx

Pengilang

Unison Pharmaceuticals Pvt. Ltd.
Unit-III, C-7,8,9 Steel Town,
Opp. Nova Petrochemicals,
Village Moraiya,
Sanand, Ahmedabad,
Gujarat 382213, India.

Pemegang Pendaftaran Produk

Pharmaforte (M) Sdn Bhd
No. 2, Jalan PJU 3/49,
Sunway Damansara,
47810 Petaling Jaya,
Selangor, Malaysia.

Tarikh kemaskini RiMUP

25/08/2025

Nombor siri

NPRA (R2) 25/082